

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 40., članom 41. stav (2) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 122. sjednici, održanoj 27.03.2026. godine, d o n o s i

## **O D L U K U**

**o usvajanju Programa utroška sredstava u razdjelu 22-Ministarstvo za obrazovanje, nauku, kulturu i sport, pozicija “Tekući transferi pojedincima“ - Tekući transfer za naučnoistraživačku djelatnost“ - izvor 10, Budžeta Zeničko-dobojskog kantona za 2026. godinu**

### **Član 1. (Predmet)**

Usvaja se Program utroška sredstava u razdjelu 22-Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), pozicija „Tekući transferi pojedincima“ – „Tekući transfer za naučnoistraživačku djelatnost“ - izvor 10 u ukupnom godišnjem iznosu od 50.000,00 KM (slovima: pedesethiljada konvertibilnih maraka), a koji čini sastavni dio ove odluke.

### **Član 2. (Način realizacije sredstava)**

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

### **Član 3. (Dodjela sredstava)**

Sredstva će se dodjeljivati u skladu sa Kriterijima za dodjelu sredstava za naučnoistraživačku djelatnost Ministarstva za obrazovanje nauku i sport Zeničko-dobojskog kantona, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine, koji čine sastavni dio ove odluke – Aneks.

### **Član 4. (Realizacija Odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

**Član 5.**  
**(Stavljanje van snage)**

Donošenjem ove odluke stavlja se van snage Odluka o usvajanju i Program utroška sredstava u razdjelu 22- Ministarstvo za obrazovanje, nauku, kulturu i sport, pozicija "Tekući transferi pojedincima" - Tekući transfer za naučnoistraživačku djelatnost" - izvor 10, Budžeta Zeničko-dobojskog kantona za 2026. godinu, broj: 02-11-2813/26 od 13.02.2026. godine.

**Član 6.**  
**(Stupanje na snagu)**

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-11-6274/26  
Datum, 27.03.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,  
1x Ministarstvo finansija,  
1x „Službene novine Zeničko-dobojskog kantona”,  
1x a/a.

## **P R O G R A M**

### **utroška sredstava u razdjelu 22 - Ministarstvo za obrazovanje, nauku, kulturu i sport, pozicija "Tekući transferi pojedincima" - Tekući transfer za naučnoistraživačku djelatnost" - izvor 10 Budžeta Zeničko-dobojskog kantona za 2026. godinu**

#### **Član 1.**

##### **(Svrha programa)**

Svrha ovog programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, pozicija „Tekući transferi pojedincima“ - „Tekući transfer za naučnoistraživačku djelatnost“ - izvor 10, koriste za sufinansiranje odbrane doktorskih radova, zatim sufinansiranje naučnoistraživačke djelatnosti (učesće naučnih radnika na naučnim skupovima u zemlji i inostranstvu, izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici) kao i za nagrade studentima koji studiraju na visokoškolskim ustanova na području Zeničko-dobojskog kantona, a koji su ostvarili najviši prosjek ocjena tokom redovnog studija na I, II i III ciklus studija (po jedan student za svaki ciklus studija)- nagrada ministra.

#### **Član 2.**

##### **(Visina sredstava)**

Visina sredstava utvrđena ovim programom iznosi 50.000,00 KM (slovima: pedesethiljada konvertibilnih maraka).

#### **Član 3.**

##### **(Izvor sredstava)**

Izvor sredstava: Budžet Zeničko-dobojskog kantona za 2026. godinu, („Službene novine Zeničko-dobojskog kantona“, broj: 24/25 i 5/26), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, pozicija „Tekući transferi pojedincima“-„Tekući transfer za naučnoistraživačku djelatnost“ - izvor 10.

#### **Član 4.**

##### **(Dodjela sredstava)**

- (1) Sredstva planirana ovim programom dodjeljuju se do ukupnog iznosa 50.000,00 KM.
- (2) Sredstva se dodjeljuju nakon provedene konkursne procedure, na prijedlog Ministarstva za obrazovanje, nauku, kulturu i sport posebnim odlukama Vlade Kantona za:
  - a) Odbranu doktorskih radova,
  - b) Naučnoistraživačku djelatnost za:

1) Učešće naučnih radnika na naučnim skupovima u zemlji i inostranstvu,  
2) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine).

(3) Sredstva se dodjeljuju na prijedlog Ministarstva za obrazovanje, nauku, kulturu i sport posebnim odlukama Vlade Kantona za nagrade studentima koji studiraju na visokoškolskim ustanova na području Zeničko-dobojskog kantona, a koji su ostvarili najviši prosjek ocjena tokom redovnog studija na I, II i III ciklus studija (po jedan student za svaki ciklus studija)- nagrada ministra.

(4) Izuzetno od stava (3) ovog člana nagrada se može dodijeliti dva ili više studenta na I, II ili III ciklus studija ukoliko imaju isti najviši prosjek ocjena zaokruženih na dvije decimale.

## **Član 5.**

### **(Korisnici sredstava)**

Korisnici sredstava iz člana 2. ovog programa su:

- a) pojedinci za odbranu doktorskih radova,
- b) naučni radnici koji učestvuju na naučnim skupovima,
- c) pojedinci za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
- d) pojedinci, nastavno-naučni radnici (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) koji objavljuju radove u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,
- e) studenti koji studiraju na visokoškolskim ustanova na području Zeničko-dobojskog kantona, a koji su ostvarili najviši prosjek ocjena tokom redovnog studija na I, II i III ciklus studija (po jedan student za svaki ciklus studija)- nagrada ministra.

## **Član 6.**

### **(Distribucija sredstava)**

(1) Distribucija sredstava vršit će se posebnom Odlukom Vlade Zeničko-dobojskog kantona o odobravanju sredstava sa razdjela 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, Budžeta Zeničko-dobojskog kantona za 2026. godinu, pozicija „Tekući transferi pojedincima“ - „Tekući transfer za naučnoistraživačku djelatnost“- izvor 10.

(2) Distribucija sredstava vršit će se u sljedećim iznosima:

- a) Odbrana doktorskih radova u iznosu do 12.000,00 KM;
- b) Naučnoistraživačka djelatnost u iznosu do 26.000,00 KM i to za:

- 1) Učešće naučnih radnika na naučnim skupovima u zemlji i inostranstvu,
- 2) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,
- c) Nagrade studentima koji studiraju na visokoškolskim ustanova na području Zeničko-dobojskog kantona, a koji su ostvarili najviši prosjek ocjena tokom redovnog studija na I, II i III ciklus studija - nagrada ministra u iznosu do 12.000,00 KM.

#### **Član 7.**

##### **(Distribucija odobrenih sredstava)**

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

#### **Član 8.**

##### **(Izvještaj o utrošku sredstava)**

Korisnici sredstava su dužni dostaviti izvještaj o namjenskoj upotrebi odobrenih sredstava Ministarstvu za obrazovanje, nauku, kulturu i sport najkasnije tri mjeseca po primitku sredstava.

#### **Član 9.**

##### **(Izvještaj o realizaciji Programa)**

Izvještaj o namjenskoj upotrebi odobrenih sredstava Ministarstvo za obrazovanje, nauku, kulturu i sport polugodišnje dostavlja Vladi Zeničko-dobojskog kantona.

Broj: 02-11-6274/26

Datum, 27.03.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona”,

1x a/a .

## KRITERIJI ZA DODJELU SREDSTAVA ZA NAUČNOISTRAŽIVAČKU DJELATNOST ZA 2026. GODINU

### Član 1. (Predmet Kriterija)

- (1) Kriterijima za dodjelu sredstava za naučnoistraživačku djelatnost za 2026. godinu (u daljem tekstu: Kriteriji) utvrđuju se način i postupak dodjele sredstava iz Tekućih transfera pojedincima-Tekući transfer za naučnoistraživačku djelatnost (u daljem tekstu: Tekući transfer) i to za:
  - a) Učešće naučnih radnika na naučnim skupovima u zemlji i inostranstvu,
  - b) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
  - c) Objavljivanje radova nastavno-naučnih radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine),
  - d) Odbranu doktorskih radova.
- (2) Ukupan iznos sredstava koji se može dodijeliti jednom korisniku ne može biti veći od 3.000,00 KM (slovima: trihiljade konvertibilnih maraka).
- (3) Maksimalan iznos sredstava koji se može dodijeliti jednom korisniku za učešće naučnih radnika na naučnim skupovima u zemlji i inostranstvu iznosi 2.000,00 KM (slovima: dvijehiljade konvertibilnih maraka).
- (4) Maksimalan iznos sredstava koji se može dodijeliti jednom korisniku izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona iznosi 3.000,00 KM (slovima: trihiljade konvertibilnih maraka).
- (5) Maksimalan iznos sredstava koji se može dodijeliti jednom korisniku za objavljivanje radova nastavno-naučnih radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici iznosi 2.000,00 KM (slovima: dvijehiljade konvertibilnih maraka).
- (6) Izuzetno od stava (2) ovog člana za odbranu dokorskog rada se može dodijeliti veći iznos u skladu sa članom 7. stav (1) tačka d) ovih Kriterija.

**Član 2.**  
**(Korisnici sredstava)**

Korisnici sredstava iz člana 1. ovih Kriterija su:

- a) naučni radnici koji učestvuju na naučnim skupovima,
- b) pojedinci za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
- c) pojedinci, naučno-nastavni radnici (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanovama na području Zeničko-dobojskog kantona i imaju prebivalište na području Zeničko-dobojskog kantona) koji ispunjavaju uslove utvrđene ovim Kriterijima, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici i javnim konkursom,
- d) pojedinci za odbranu doktorskih radova.

**Član 3.**  
**(Javni konkurs)**

Sredstva iz člana 1. ovih Kriterija dodjeljuju se putem javnog konkursa koji se objavljuje u jednom dnevnom listu i na web stranici Zeničko-dobojskog kantona, sa time da krajnji rok za podnošenje prijave ne može biti kraći od 15 dana od dana objavljivanja.

**Član 4.**  
**(Pravo učešća na konkursu)**

- (1) Pravo učešća na javnom konkursu za dodjelu sredstava iz člana 1. tačka a), ovih Kriterija ima kandidat koji ispunjava sljedeće uslove:
  - a) da je državljanin Bosne i Hercegovine,
  - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona,
  - c) da mu je rad prihvaćen od strane organizatora naučnog skupa koji je održan ili će se održati u 2026. godini,
  - d) da iz vlastitih sredstava uplaćuje troškove kotizacije.
- (2) Pravo učešća na javnom konkursu za dodjelu sredstava iz člana 1. tačka b), ovih Kriterija ima autor koji ispunjava sljedeće uslove:
  - a) da je državljanin Bosne i Hercegovine,
  - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona,
  - c) da univerzitetski udžbenik/monografiju izdaje visokoškolska ustanova na području Zeničko-dobojskog kantona,
  - d) da ima odluku senata visokoškolske ustanove donesenu 2026. godine o davanju saglasnosti za objavljivanje univerzitetskog udžbenika/monografije.

- (3) Pravo učešća na javnom konkursu za dodjelu sredstava iz člana 1. tačka c), ovih Kriterija ima autor koji ispunjava sljedeće uslove:
- a) da je državljanin Bosne i Hercegovine,
  - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona,
  - c) da je kandidat nastavno-naučni radnik (koji je uposlenik na visokoškolskim ustanovama na području Zeničko-dobojskog kantona ili koji je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona) u 2026. godini objavio rad u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,
  - d) da iz vlastitih sredstava uplaćuje troškove za objavu rada u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici.
- (4) Pravo učešća na javnom konkursu za dodjelu sredstava iz člana 1. tačka d), ovih Kriterija ima kandidat koji ispunjava sljedeće uslove:
- a) državljanin Bosne i Hercegovine,
  - b) da ima prebivalište na području Zeničko-dobojskog kantona,
  - c) da je odbranio doktorski rad u 2026. godini ili ima odlukom Senata zakazan datum odbrane doktorskog rada do 31.12.2026. godine,
  - d) kandidat koji je odbranio doktorski rad u periodu od dana objavljivanja Javnog konkursa za dodjelu sredstava za sufinansiranje troškova odbrane doktorskog rada 10.10.2025. godine (u listu Oslobođenje) do 31.12.2025. godine, a nisu mu dodijeljena sredstva za sufinansiranje troškova odbrane doktorskog rada od strane Ministarstva za obrazovanje, nauku, kulturu i sport Zeničko-dobojskog kantona.
- (5) Kandidati koji su ostvarili pravo na sufinansiranje troškova odbrane doktorskog rada od javnog sektora (općina/grad, Kanton, FBiH, BiH, fondovi, ministarstava i javna preduzeća) ili su oslobođeni predmetnih troškova od strane visokoškolske ustanove na kojoj su stekli ili će steći zvanje doktora nauka, nemaju pravo učešća na javnom konkursu za dodjelu sredstava iz člana 1. tačka d), ovih Kriterija.

## **Član 6.** **(Imenovanje i zadaci Komisije)**

- (1) Ministar za obrazovanje, nauku, kulturu i sport Zeničko-dobojskog kantona rješenjem imenuje Komisiju za razmatranje primljenih prijava na javni konkurs iz člana 4. ovih Kriterija (u daljem tekstu: Komisija).
- (2) Komisija se sastoji od najmanje 7 članova, od koji je jedan predsjedavajući, a ostali su članovi Komisije.

- (3) Članovi Komisije iz stava (2) ovog člana su predstavnici Ministarstva za obrazovanje, nauku, kulturu i sport Zeničko-dobojskog kantona i predstavnici visokoškolskih ustanova sa područja Zeničko-dobojskog kantona.
- (4) Članovi Komisije predstavnici Ministarstva za obrazovanje, nauku, kulturu i sport Zeničko-dobojskog kantona utvrđuju blagovremenost i potpunost dokumentacije.
- (5) Članovi Komisije predstavnici visokoškolskih ustanova sa područja Zeničko-dobojskog kantona vrše raspodjelu raspoloživih sredstava u skladu sa članom 7. ovih Kriterija.
- (6) Komisija provjerava potpunost i blagovremenost dostavljene dokumentacije i vrši raspodjelu raspoloživih sredstava u skladu sa ovim Kriterijima, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, te utvrđuje iznose koji se dodjeljuju kandidatima na konkursu i podatke o kandidatima unosi u odgovarajuće obrasce u tabelarnom obliku.
- (7) Nakon provjere potpunosti i blagovremenosti dokumentacije iz stava (4) ovog člana i raspodjele raspoloživih sredstava iz stava (5) ovog člana, Komisija sačinjava listu od kandidata kojima će biti dodijeljena sredstva (u daljem tekstu: lista kandidata).
- (8) Predsjedavajući i članovi Komisije potpisuju tabele nastale u okviru rada Komisije.

#### **Član 7.** **(Način raspodjele sredstava)**

- (1) U skladu sa listom kandidata iz člana 6. stav (7) ovih Kriterija i prihvatljivim troškovima u okviru raspoloživih sredstava predviđenih Tekućim transferom za tekuću godinu Komisija predlaže iznose sredstava za dodjelu uzimajući u obzir:
  - a) dostavljeni dokaz o iznosu kotizacije s tim da se jednom kandidatu dodjeljuju sredstva za najviše dvije kotizacije,
  - b) dostavljeni predračun ili račun o troškovima štampanja udžbenika i monografije, a sredstva se dodjeljuju na način da se svakom autoru dodjeljuje jednak procenat od iznosa navedenog u dostavljenom predračunu ili računu o troškovima štampanja udžbenika i monografije, a vodeći računa o raspoloživim sredstvima u okviru Tekućeg transfera,
  - c) dostavljeni dokaz o uplaćenom iznosu sredstava za objavu radova u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, sredstva se dodjeljuju na način da se nastavno-naučnim radnicima dodjeljuje jednak procenat od iznosa navedenog u dostavljenom dokazu o uplaćenom iznosu sredstava za objavu radova,
  - d) potvrdu fakulteta o troškovima prijave i odbrane doktorskog rada i listom kandidata iz člana 6. stav (7) ovih Kriterija, te se raspoloživi iznos sredstava dijeli na sve kandidate sa liste kandidata u jednakim iznosima.
- (2) Prijedloge akata o odobravanju sredstava kandidatima sa liste kandidata, ministar Ministarstva za obrazovanje nauku, kulturu i sport Zeničko-dobojskog kantona upućuje Vladi Zeničko-dobojskog kantona na usvajanje.

## **Član 8.**

### **(Donošenje akata Vlade i obavijest o rezultatima)**

- (1) Vlada Zeničko-dobojskog kantona donosi akte o odobravanju sredstava.
- (2) Akti Vlade iz stava (1) ovog člana, dostavljaju se korisnicima sredstava putem Ministarstva za obrazovanje nauku, kulturu i sport Zeničko-dobojskog kantona.

## **Član 9.**

### **(Izvještaj o namjenskom utrošku sredstava)**

- (1) Kandidati kojima budu odobrena sredstva iz člana 1. ovih Kriterija obavezni su dostaviti izvještaj o namjenskom utrošku sredstava u roku određenom aktom Vlade o odobravanju sredstava.
- (2) Kandidati na konkursu koji nisu blagovremeno dostavili izvještaj o namjenskom utrošku sredstava koja su im dodijeljena u prethodnoj fiskalnoj godini, nemaju pravo učešća na konkursu za dodjelu sredstava i o tome im se šalje pojedinačna obavijest.

## **Član 10.**

### **(Nepotpune i neblagovremene prijave)**

- (1) Nepotpune i neblagovremene prijave se ne razmatraju.
- (2) Kandidatima koji su dostavili prijave kao u stavu (1) ovog člana šalje se pojedinačna obavijest.

## **Član 11.**

### **(Način isplate sredstava)**

- (1) Odobrena sredstva isplaćuju se iz Budžeta Zeničko-dobojskog kantona za tekuću godinu - „Tekući transferi pojedincima“ – „Tekući transfer za naučnoistraživačku djelatnost“ Budžeta Zeničko-dobojskog kantona.
- (2) Korisnici sredstava iz stava (1) ovog člana, dužni su Ministarstvu za obrazovanje nauku, kulturu i sport Zeničko-dobojskog kantona dostaviti izvještaje o namjenskom utrošku sredstava u skladu sa aktom Vlade o odobravanju sredstava.

## **Član 12.**

### **(Period za koji se odnose Kriteriji za dodjelu sredstava za naučnoistraživačku djelatnost)**

Kriteriji za dodjelu sredstava za naučnoistraživačku djelatnost se odnose na 2026. godinu.

## **Član 13.**

### **(Stupanje na snagu)**

Kriteriji stupaju na snagu danom donošenja i objavit će se u “Službenim novinama Zeničko-dobojskog kantona”.